

## Paerewa Paetae

**Aronga** Tikanga ā-lwi 2.6

**Ingoa** Te tātari i tētahi take i tutū ai te puehu i Aotearoa

**Kaupae** 2 **Whiwhinga** 4 **Aromatawai** Ā-roto

**Marau akoranga** Te Marautanga o Aotearoa

**Kokonga akoranga** Tikanga ā-lwi

**Mana rēhita** Kua Rēhitatia **Te rā i mana ai** 19 Whiringa-ā-rangi 2015

**Te rā e arotakengia ai** 31 Hakihea 2018 **Te rā i puta ai** 8 Hakihea 2015

### Te Hononga ki te Marautanga

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

#### *Hītori*

*1 Ko ngā āinga me ngā rōpū o mua i whakaawe i ngā pūtakeanga me ngā otinga o ngā tūāhua o mua e whai tikanga ana ki Aotearoa.*

#### *Tikanga ā-lwi*

*2 I ētahi wā, nā te rerekē o ngā whakapono me ngā ariā ahurea, ka tutū te puehu, ka puta te mānukanuka.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Paerewa Paetae

<b>Paetae</b> Te tātari i tētahi	Hei tohu i te paetae: <ul style="list-style-type: none"> <li>Ka whakaahua i tētahi take i tutū ai te puehu i te tukitukinga</li> </ul>
-------------------------------------	--

take i tutū ai te puehu i Aotearoa.	<p>tikanga.</p> <ul style="list-style-type: none"> <li>• Ka tautohu i ngā tirohanga rerekē a ngā tāngata me ngā rōpū e whai wāhi ana ki te take.</li> </ul>
<p><b>Kaiaka</b> He kaiaka te tātari i tētahi take i tutū ai te puehu i Aotearoa.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i ngā pūtake o ngā tirohanga rerekē a ngā tāngata me ngā rōpū e whai wāhi ana ki te take.</li> </ul>
<p><b>Kairangi</b> He kairangi te tātari i tētahi take i tutū ai te puehu i Aotearoa.</p>	<p>Hei tohu i te kairangi:</p> <ul style="list-style-type: none"> <li>• Ka tātari i ngā pāpātanga o te tukitukinga tikanga ki te tangata.</li> </ul>

### Kōrero Āpiti

E whai ake nei ngā whakamārama o ngā tino kupu, kīanga rānei:

tētahi take i tutū ai te puehu i te tukitukinga tikanga	<p>Koia nei tētahi take i tautohetohetia e te tangata – ko te rerekē o te uara, o te whakapono, o te tirohanga rānei, te pūtake.</p> <p>Ka kitea pea te tutū o te puehu i te tohe, i te kōrero hahani, i te tāwai, i te whakahē, i te whakaparahako i runga marae ātea, i roto i ngā haka me ngā waiata, i roto i te ao pāpāho, tae atu hoki ki ngā mahi pākaha pērā i te whakatumatuma, te kāhaki, te mauhere, te hāmene rānei.</p> <p>Hei tauira:</p> <ul style="list-style-type: none"> <li>• Ngā tikanga tangihanga pērā i te tukanga whakatau i te takotoranga o te tūpāpaku, te tahu rānei i te tūpāpaku, te whakapaoho rānei i te tangihanga mā te ipurangi.</li> <li>• Ngā tikanga me te kawa o te marae pērā i te tū a te wahine i runga i te marae, te whakaae rānei kia kōrerotia te reo Pākehā i runga i te marae, te karanga, te whaikōrero rānei a te teina kei ora ana te tuakana, te matua, te whaea rānei.</li> <li>• Ngā tikanga tuku iho pērā i te ōhākī hei tukanga whakatau i te āhua o te tuku whenua Māori.</li> <li>• Ngā tikanga e pā ana ki te tinana pērā i te raweke i te tūpāpaku mō te rangahau, mō te tuku whēkau rānei te take.</li> <li>• Ngā tikanga whiriwhiri take a te Māori pērā i te</li> </ul>
---	--

	<p>arotake a Whakaata Māori i te Kōhanga Reo, te aukati rānei a Whakaata Māori i te haka whakaparahako i a ia i Te Matatini 2015.</p> <ul style="list-style-type: none"> <li>• Ngā kawenga a te wahine, a te tāne pērā i te uru o te wahine ki ngā taumata o ngā hāhi, te mau rakau rānei a te wahine.</li> <li>• Ngā tikanga whakahaere a te Māori pērā i te puehu nui i tutū ai i waenganui i a Ngāi Tūhoe me ngā pirihihana.</li> </ul>
tikanga	Ko ngā momo whakahaere, whakaritenga rānei, e ahu mai ana i ngā uara, ngā whakapono, ngā tirohanga me ngā whakaharatau pāpori a te tangata, a te rōpū rānei, i whanake i te huringa o te wā.
ka whakamārama i ngā pūtake o ngā tirohanga rerekē	Ko te āta titiro ki ngā uara, ngā whakapono me ngā whakaaro ka noho hei tūāpapa mō te tirohanga a te tangata ki tētahi take, kaupapa rānei.
ngā pāpātanga o te tukitukinga o ngā tikanga	<p>Ko ngā otinga o te tukitukinga tikanga. Hei tauira:</p> <ul style="list-style-type: none"> <li>• Ko te heke o te tupu o te iwi nāna aua tikanga</li> <li>• Ko te pāmamae, ko te mauāhara</li> <li>• Ko te tāmi a tētahi iwi i tētahi atu</li> <li>• Ko te papahoro/waimeha haere o ngā whakapono o te iwi me ngā tikanga i puta ai i ērā whakapono.</li> </ul>

**Kuputaka:**

tukitukinga	clash
otinga	outcome
whakaharatau pāpori	social practices

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233